


BOSTON MEDICAL LIBRARY
in the Francis A. Countway
Library of Medicine ~ *Boston*



Digitized by the Internet Archive
in 2011 with funding from
Open Knowledge Commons and Harvard Medical School


<http://www.archive.org/details/augustinifrideri00walt>

Thieme

AVGVSTINI FRIDERICI
WALTHERI M. D.
ANATOMES ET CHIRVRGIAE IN ACADEMIA
LIPSIENSI PROFESSORIS PVBLICI
DE
LINGVA HVMANA
NOVIS INVENTIS OCTO
SVBLINGVALIBVS SALIVAE RIVIS,
NVNC EX SVIS FONTIBVS
GLANDVLIS SVBLINGVALIBVS EDVCTIS
IRRIGVA
EXERCITATIO.



LIPSIÆ —
LITERIS IMMANVELIS TITII.
ANNO MDCCXXIV.



Pezomachus Lipsiensis 1757.

ILLVSTRISSIMO S. R. I. COMITI

**ERNESTO CHRISTOPHORO
DE MANTEVFFEL**

POTENTISSIMO POLONIARVM REGI
ET ELECTORI SAXONIAE A SVMMIS STATVS
ET SANCTIORIBVS CONSILIIS, GVBERNA-
TORI NOWODWORIENSI, KERSTINI, KRVC-
KENBECKII, GANDALINI, SVMMINI, SLAWIC-
KAVIAE, GARDOWIZII, GENSDORFII, ROCH-
WIZII, RELIQVA DYNASTAE

PATRONO SVO OPTVMO,
MAXVMO,
LITERATORVM OMNIVM
MAECENATI ET TVTELARI

EX RELIGIONE ET PIETATE

D. D. D.

A V C T O R.

ILLVSTRISIME COMES

DOMINE GRATIOSISIME

E*Erant opto ardua Tua
grauissimaeque negotia,
ut ad paginas has cle-
menter respicias, quas
clientum subiectissimus Illustrissimo
Nomini Tuo dicare audeo. Tua*

A 3

nam-

namque Clementia maxime adiutus,
ab aliquo iam tempore artes scientiasque Medicas in hac celebritate profiteor et publice doceo. Ad quas perficiendas amplificandasque, si quid unquam contulero, id omne TVO praesidio Clementiaque TVA nixus, audebo. Quovis ergo studio labores suscipio Academicos, ita curabuntur, ut TIBI placeant; Qui si etiam exigui sunt, non tamen prorsus inanes frustraneique censebuntur conatus. Et quidquid hae paginae novi comprehendunt, id ad penitiorem hominis cognitionem ita spectat, ut et desideratum diu ab Anatomicis fuerit. Omnes vero,
ut

ut linguae latera rigentur, tum utile ac necessarium reputabunt, cum ariditatem in ore experiuntur. Sed fontes hactenus neglectos non prorsus indignos iudico, quin coram Illustrissima Excellentia Tua inventionis industriae cuiusdam meae sint testes. Proprium TIBI est, ut et literis addictos tuearis, et inter gravissimas pro Republica curas, sollicitus sis, quo floreant literae. Tanto igitur togato Heroi, ac summo literarum ingeniorumque Patrono animi mei gratitudinem hisce testari aequissimum putavi. Deus Ter Optimus Maximus
ILLVSTRISSIMAM EXCEL-

CELLENTIAM TVAM
*protegat saluamque ac incolumem
diu praestet, in Reipublicae com-
modum, clientum solatium et Illustri-
ssimae Gentis Tuae ornamentum
atque decus*

ILLVSTRISSIMAE EXCEL-
LENTIAE TVAE

subiectissimus deuotissimusque

AVGVSTINVS FRIDERICVS WALTHER.



Uetus qui in ore saliuam fundunt, cum *Parotidis de-*
cauum subeunt; arctis admodum *scriptio.*
exiguisque orificiis stillant, in viuis exitum saliuae sua angustia temperant,

et in cadaueribus visui pene se subducunt: maximi sunt, qui intra glandulas, Parotidas dictas, exiguis sparsisque radicibus nascuntur, ut harum

multiplici congressu coalituque, truncus fiat insignis, qui in utroque latere exsurgit. Hic primum e medio fere glandulae erumpit, inde super masseterem musculum, nec ita multo post, super buccinatorem fertur, tandemque in oris cauo desinit. Ipsum glandulae corpus, sicubi in adultis duos digitos cum vna alteraque linea altum longumque reperitur, tum maxima latitudine, quae crassitie sex lineis maior est, digitum cum sex fere lineis conficere solet. Ad haec glandula tenuem lobum saepe porrigit, qui ductum excretorium, quandoque digiti et quatuor linearum longitudine, inuoluit, eundemque nudum in anteriori masseteris musculi latere relinquit. Ita ductus transversus super musculum itinere fertur, eoque sub tertia ipsius altitudinis parte relicto, decliuus quodammodo factus, intus versus buccinatorem musculum nouem fere lineis flectitur porrigiturque, et tandem ori inferitur. Est vero non vna in omnibus

B

sub-

2 DE NOVIS DVCTIBVS SVBLINGVALIBVS

subiectis aut parotidis, aut eius ductus magnitudo. Sed praeter diuersam hominum formam, aetatemque, vitae quoque genus, pluresque inaequalitatis causae sunt, quae iam carnes, iam glandulas, iam alias partes prae ceteris insignes reddidere, et ipsa natura, saepe varias suppeditasse hominibus partium formas, creditur. Externa sua superficie parotis, e minoribus lobis coalitis, compactum refert corpus, quod superius, et prope aurem latius crassiusque; tenuius vero, inferiori sui parte existit. Forma ad oualem, at depressam quodammodo, accedit. Si maceretur, leui opera in perexiguos lobos diuiditur, qui arteriis annexi saepiusque his cincti, et irretiti, apparent. Hos lobos longe magis ab arteriis quam a venis comprehensum in primis conspicitur, cum vtriusque generis vasa materia ceracea, diuerso colore tincta repleta fuerint. Quae arteriae, etsi valde exiguae sunt, lobosque, quos dixi, altius subeunt, quam ut sensu eas prosequi liceat, nihilominus permultas, tandem in ductus secretorii desinere initia, tanto certius iudicatur, quo magis ductus secretorii rami, qui minimis arteriis proximi habentur, si pariter cera repleti fuerint, ipsorum vasorum dictorum focii conspiciuntur. Sed maior longe est arteriarum intra glandulam repentium numerus, quam venarum, quae inde reflectuntur, et simili cum prioribus fato terminoque, sanguinem a secretionem residuum hauriunt reuehuntque. Non vero solum rami, qui ad excretorium ductum spectant, sed pariter venae arteriaeque varie mutuoque sibi implicatae, et denique cuncta multis modis conuoluta et sibi connexa, ipsam corporis substantiam efformant, quae, si tactu exploretur, inter carneam membranaceamque mollitiem fere media est, ac glandulosa audit, talis vero a vasculosa proprie dicta, tanquam laxiore quadam compage prorsus distinguitur. Quae sicuti in quouis exiguorum loborum, experimento diuulso- rum se ita habent, ita in maioribus, ubi propriis pedunculis lobi sibi inuicem connectuntur, arteriae venaeque, cum suis
comi-

comitibus ductus secretorii propaginibus, magis in sensus incurrunt; tamen et eadem experimenta abunde probant arteriarum et in hac glandula esse plures, quam venas. Quod si enim oculis armatis intuemur exiguos istos, in quos glandula ita dispescitur, lobos, certe arteriis irretitos ac colore competente perfusos cernimus, secus atque de venis meris comperimus. Sed plures esse arteriarum anastomoses iudico, venarum perpaucas. Quibus ipsis illarum augetur numerus, et ad secernendum dispositio fit, quae eadem structura in aliis quoque humani corporis glandulis obseruatur. His adeo comprehenduntur, quae parotidi cum pluribus glandulis, quas conglomeratas nominant, communia existunt. Iam equidem discrimen apponere proximum esset, et talia constructionis argumenta, quae efficiant ut is praecise succus, nec alius, e parotide promanet. At enim vero huius rei plures suppeditari posse causas, quam ut eadem hic exponi pro dignitate possint, existimo. Namque huc faciunt, et organi secernentis a corde distantia situsque, et vasorum ingredientium organorumque integrorum mutua proportio, ortaue hinc diuersa in ramos diuisio, tubulorum pariter intus natorum numerus et flectendi finiendique modus, totus denique omnium progressus, et longe plura, quae, ut diuersa secernantur fluida, multum conferunt. Quae cuncta aut sensibus detegi, aut ratione aestimari adeo nequeunt, ut penitus perspici, et intime pernosci et definiri plene valeant. Interim ex structura et compagine situque, quandam instituere comparisonem satius duco, quam efficere plane nullam. Inprimis vero de parotide similibusque glandulis nosse interest, crassum ne prae aliis inde proueniat fluidum, an vero magis dilutum reliquis. Ipsam vero saliuam, cum aliis corporis humani laticibus comparatam, crassioris consistentiae et tenacitatis esse deprehendimus, quae magis fluida futura erat, si parotis partium vicinarum calore magis foueretur, altiusque in corpore humano reonde-

4 DE NOVIS DVCTIBVS SVBLINGVALIBVS

retur. Ad haec per canalem satis amplum longumue, minusque munitum, saliu fertur, et insuper per ostium, quod oblique ori inferitur, exiguumque est, ori infunditur. Namque salivae ductus proxime, ubi ex parte crassiore glandulae proficiscitur, amplissimus prae reliquo suo tractu existit: mox vero super buccinatore musculo cum fertur, declivis quodammodo fit, posteaque, ubi ad os flectitur, protinus arctus euadit, maximeque contrahitur, cum musculum perforat, orisque integumenta, tandemque obliquo ingressu in ore hiat. Cisternam hic ductus quodammodo referre videtur, quod propter angustum adeo exitum, plus salivae in se contineat, quam simul vno quasi impetu reddere valet, vnde semper aliquid remanet, quod promere queat. Inter manducandum vero ubi fortius comprimitur concutiturque a masseteret et buccinatore musculis, aut ab aliis qui maxillam commovent, maiorem quodammodo ac cum motu proprio proportionatam salivae copiam effundit; quam non leuem agitatorum musculorum vim motumque ut commode sustineat, tantam nactus est firmitatem taleque robur, ut tactui renitatur, albidusque ac robustus appareat, nervumque fortem, linguae maximo non dissimilem, repraesentet.

*Glandula
Maxillaris
cum suo ductu
excretorio.*

Tenuioris autem longeque diversae texturae ductus sunt, quae glandulis, quae maxillis inferioribus apponuntur, suboriuntur, atque per intervallum plane notabile, trium circiter digitorum et quarundam linearum longitudine assurgunt, et iuxta linguae frenum excurrunt. Truncus utrinque ex altis primum radicibus, intra glandulam actis, simili-que modo collectis, ac antea de parotidum ductu monui, e sua glandula emergit: tum vero, haud angustior, atque ille parotidum ductus, prorumpit; nec prius coarctatur, quam cum duas tertias, itineris sui, partes confecit. Hic vero ductus super lobo, quem maxillaris glandula ad sublingualem protendit, ascendit, indeque glandulae sublingualis corpus attingit, cui protinus, ad semilem circiter ipse implantatur, et

et ferme per reliquam eius longitudinem inferitur. Quam enim prope finem suum, tandem sublingualem glandulam relinquit, vix tamen sub integumento sublinguali, maiori, quam vnius aut alterius lineae spatio, inde recedit et in arcum flectitur; mox vero recuruus factus, super infimo linguae integumento ita emergit, vt extra hanc sub forma papillae, quasi, exspatiatur nonnihil, tandemque retro et ad freni lingualis finem excurrat. Exiguum hic patet orificium, ita orificio Warthoniani ductus coniunctum, vt in vnum cum illa papillam coeat, quae a Warthoniano ductu nomen inter artis professores obtinet. Praeter vero ea quae iam de hoc ductu attuli, molibus quoque interiacet contegiturque musculis, atque membranis, laxiusue cum iis componitur. Linguae hinc motum ita sequi videtur, vt, pro creberrimo huius motu, iuuari cum secretionem in glandula, tum excretionem e ductu, colligere liceat. Vnde experimur, si lingua leuatur, quod tanquam e fonte quodam, inde saliu saepius profiliat. Et sane in esurientibus, praecipue notatur, quod humidi portio non exigua breui tempore in os effundatur. Nec tamen minus mihi, partium situm comparanti, superest dubium, an parotis, an vero maxillaris glandula, crebrius ad eructandam saliuam impellatur convellaturque. Namque et glandulae maxillaris corpus a connexo stringenteque musculo digastrico toties concutitur, quoties mandibulae a se mutuo diducuntur, cum et musculus mylohyoides eidem adhaereat eamque succutiat, vna cum stylohyoideo et stylopharyngeo pluribusque ossis bicornis linguaeque musculis, qui dum linguam trahunt torquentque, aut glandulam solam, aut ductum excretorium, aut denique vtraque permultis modis vel eleuant, vel deprimunt, vel aliter impellunt, vnde si crebrior haec concussio fit, et intra hanc glandulam tantum auget secretionem, quantum magnitudine a parotide differt, tum non minor salivae quantitas per ductus Warthonianos eructabitur, quam per Stenonianos. Ad ipsum ve-

6 DE NOVIS DVCTIBVS SVBLINGVALIBVS

ro quod attinet corpus, id a parte qua laryngem spectat, valida nerueaque cingitur tunica, quae firmum glandulae ligamentum suppeditat, quo maxillae inferiori musculoque pterygoideo externo annectitur, ad vsque reliquam sui partem superiorem, vbi tenuiori ac celluloso magis velo obducitur, et mylohyoideo; a latere vero digastrico musculis, et ante dictis a processu styloformi ortis contegitur, et iis adhaeret. Eius tunicae annectitur et neruus, et arteria venaque lingualis, et inferius appendet aliarum glandularum minorum vna alteraque, quae in iugulo magis constituantur, et pro lymphae receptaculis conglobatae reputantur. Super musculum mylohyoideum, lobum glandulae nostra porrigit, ante a me notatum, qui in acumen desinit, et cum consimili, a glandula sublinguali demisso, arte committitur. Interim integra glandulae longitudo, cum iam nominato lobo, aut processu, qui in lingua adulti saepe digito quatuorque lineis protenditur, tres fere digitos in sectione exhibuit. Tum vero glandulae corpus sesqui digiti altitudinem seu longitudinem retulit, nec latitudo corporis iam dicta quantitate maior, nec quoque crassities vna alteraque linea digito minor fuit. Ceterum in eadem glandula idem, quod in parotide, obtinuit, ut in lobos minores processusque exiguos, si macerata ante fuerit, dissolui possit. Et cuncta quae de vasorum tubulorumque plexu occasione parotidis docui, hic quoque annotari debent.

*Glandula
Sublingualis.*

Sed ad tertium genus glandularum me conuerto, quod aequae, ac ante dicta, salivam reddit, quamquam viae atque ductus, per quos ista in cauum oris effunditur, nondum penitus Anatomicis ante hac innotuerunt. Quorum quidem gratia potius haec scribenda suscepi, quam ut plura de ante allatis peruulgatisque proponerem. Nihilominus tamen accurate nosse, per multum interest, quem locum situmque hae glandulae, quarum altera in vtroque latere posita est obtineant. Haec a linguae freno porrigi incipit, et ante

teriori maximaque latitudine, quandoque digitum cum aliquot lineis conficit, quandoque aliquot lineis digito minor habetur, tegit musculum genioglossum, inde vero ad latus fertur, nec exiguam ceratoglossi portionem attingit; hinc flectitur versus maxillarem glandulam deprimiturque, ubi minus lata crassaque altero extremo facta, tandem in lobum aut processum terminatur, illi similem, in quem maxillaris definit. Et inter hos lobos, ita nexos, assurgit ille Warthoni ductus, et per superiorem glandulae sublingualis partem transit. Ceterum haec eadem ubi crassissima est, vix vnquam sua mole plus quinque lineis habet. At in longum ita porrigitur, vt duos saepe digitos cum aliquot lineis ad vsque lobum absoluat. Sed nosse pariter expedit modum, quo haec in viuientibus sub lingua promineat, et ipsis oculis nostris videndam se praebeat. Cum os aperitur, linguaque leuatur, et quodammodo flectitur, tunc hae glandulae vtrunque, quem occupent situm, visu pariter et tactu explorari potest. Lingua igitur his tanquam puluinaribus mobilibus flexilibusque superincumbit. Et hae eadem cuniculorum instar, sub ea protuberant, et vtrunque linea recta iuxta linguae latus excurrunt, ad medium quasi mentum iuxta frenum protensae. Tum vero hi monticuli, vel elati magis, vel depressi extant, cum linguae apex reclinatur, aut in longum protenditur. Quas glandularum prominentias lineasque, quae fere in angulum iuxta infimum linguae frenum definunt, sedulo iam notari cupio, ideo, quod in his cruribus detecta fuerint, quae nunc commemorari debent. Quae ita dehiscunt, a se inuicem linguae promontoria, ipsam intermediumque eius frenum excipiunt, et finem pro linguae situ varium producant, magnitudine vero formaque sua, et tractu a supra dictis glandulis differunt. Ipsa vero earum compages non aequae traditis recedere censetur, vt dissimilem, quem praestent vsum, ipsis decernere liceat. Potius earum externa facies, artificiosa in lobos diuisio, vasorumque cogni-

8 DE NOVIS DVCTIBVS SVBLINGVALIBVS

gnitio, et denique plura, quae ad omnium inter se cognationem faciunt, satis confirmant, pari secretioni haec vltima prodesse organa, atque illa, quae supra recensui. Suo namque humore saliali rigantur, quae laudavi promontoria, perpetuoque madent, et digitis pressa, aut fortius lingua protracta, non obscurum profluentis vestigium suppeditant. Proinde tanta tamque insignis est glandula, vt utili non minus officio destinetur, quam omnis glandula, quod ex penitiori earum cognitione colligitur.

*Glandulae
Sublingualis
excretio quo-
modo in bru-
tis perenni-
cum perficia-
tur ductum,
et qui Auto-
res eum in-
uenerint.*

Nihil vero magis ad huius veram cognitionem pertinet, quam vt ex anatome detegantur viae ductusque qui huic glandulae proprii censentur, secretamque saliuam in cauum oris immittunt. Namque huic inprimis, praeteritoque seculo reseruatum fuisse videtur, vt inuenirentur salivae fontes, quorum vestigia, si vsquam apud veteres occurrant, incerto venarum nomine istos comprehensos potius, quam recte descriptos fuisse, auctorum lectio probat. Quantumvis enim alii Hippocratis, et eius discipulorum scientiam medicam collaudent, et ipsi, quae nostra colitur aetate, nullo habito discrimine, praeferant, id omne tamen ad industriam practicam, et factas sedulo de morbis obseruationes potius referri, ipsisque iure deberi, pronuntiare satius duco, quam oculatissimorum Anatomicorum nostri temporis scientiam, physicae mechanicaeque peritiam, pluriumque doctrinae medicae partium culturam, multis studiis et impensis, laboribus denique ac tempore perfectam, cum ista quam ante dixi aetate comparare. Atque sic praeterito demum seculo *Stenonis* et *Warthoni* industria inuenti fuerunt ductus, quorum alterum e parotide, alterum e maxillari glandula oriri, vtrumque vero salivam fundere, supra declaravi. Quae laudatorum virorum industria, non ita multo post medicum solertissimum doctissimumque *Aug. Quirin. Riium*, et *Casparum Bartholinum* impulit, vt glandulae a linguae freno statim excurrentis vsum, humorisque ibi secreti exitum, propriumque eius in ore ductum,

in

in brutis explorarent. Hi quemadmodum primi fuerunt, qui de inuentionis gloria certare possunt, ita cum anatomicorum nemo post hos eundem in hominibus accurata et delineatione, et descriptione, protulerit, a re alienum non esse duxi, vt, quod reliquum est perficere allaborem. Quidquid autem isti obseruarunt, omne in animantibus brutis subsistit: nam nullum in eorum scriptis extat vestigium, quod vnquam in cadauere humano idem deprehenderint. Inter istos vero primum esse inuentorem Riinum patet ex Corollario, quod dissertationi de Dyspepsia Anno 1679. a Respondente adiectum fuit hisce concepto verbis: "Ductus Saliuales, quos" in capite vitulino praeterita hyeme aliquoties demonstravit Dn. Praefes, merentur illis annumerari, quos *Warthonus* et *Steno* annotarunt. Oriuntur autem ex anterioribus glandulis sublingualibus, in quarum substantia radices agunt, perguntque supra Warthonianos immediate, ita, vt his caute separatis conspiciantur illico, donec vna cum illis egrediantur ex iisdem papillulis. Diuersa tamen sunt ostiola, in quorum interiora si stylus aut flatus immittatur ad glandulas maiores sublinguales per ductum Warthoni penetrat; hic vero a latere alii adsunt pori, qui et stylum et flatum in glandulas minores sublinguales deducunt, adeoque nullo modo hi ductus cum illis communicant, sed omnino singulares sunt. Cum hac obseruatione conuenit, quam *Bartholinus* postea prodidit Traët. de Ductu Saliuali haëtenus non descripto, edito Vltraiecti Anno 1685. vbi ita loquitur: „Duobus a Stenone et Warthone inuentis vasis salialibus, eiusdem plane generis addi debet, iam primum quantum ego scio a me descriptum et delineatum, quodque inferius dici meretur, quippe a glandula sublinguali ortum, Warthoni ductum committatur, et sub lingua, eodem, quo Warthonianus loco aperitur, ostio aequè manifesto. Glandulam quidem a qua tertium hoc vas originem repetit Stenonius de glandulis oris, et sublingualem nominat, sed illi immerito plura et angusta

„vasa excretoria tribuit, quae huic glandulae adiacentibus mi-
 „nutis aliis, et ab ipsa re vera distinctis glandularum glomera-
 „minibus iure debentur, quia scilicet verum hoc sublingualis
 „glandulae vas excretorium nondum ipsi fuit perspectum.
 Quibus verbis addi merentur quae loco citato porro affert:
 „Anno 1682. cum in capite vitulino extremitate styli inqui-
 „rerem et prosequerem maxillaris glandulae ductum, tum
 „forte in alium ductum adactus stylus, aperuit ea, quae mihi
 „antea ignota erant: Credideram enim eundem ductum me
 „ad Warthonianam glandulam perducturum, et ecce eo lo-
 „co circa mediam scilicet linguae longitudinem, vbi War-
 „thonus ductum suum salivalem a linguae lateribus, nimi-
 „rum in inferiore eius parte cuti, et pinguedine glandulosa
 „tegi dicit, ferebatur hic ductus ad aliam scilicet sublingua-
 „lem e conglomeratarum genere, quae aequae ac maxillaris
 „constructa est, et simile habet vas excretorium, tanquam
 „ex lateribus, et ab omnibus glandulae glomeraminibus or-
 „tis compositum truncum, qui ductu recto comitatur illum
 „alterum Warthonianum, et intra gingivas in maxillae infe-
 „rioris extremitate, inter papillas quasdam compressas et ri-
 „gidas, maxillae pertinaciter adhaerentes, in os aperitur.,
 Observat praeterea in oue terminari huiusmodi ductum sub
 lingua, in ipsis illis papillis, in inferiore maxilla conspicuis, eo in
 loco, iuxta quem simili modo, et in eadem papilla, ductus War-
 thoniani ostium hiat. Ac porro cuiuslibet ductus orificium
 in vtroque vtrinque prope frenulum sua extare papilla, et emi-
 nere commemorat. De Leaena pariter narrat, similiter lo-
 cari haec orificia papillasque; ita tamen, ut quasi peculiare
 quoddam frenulum habeant, a tunica oris interiore efforma-
 tum. Tantis est qui in brutis inuentus fuit ductus, ut ne-
 que amplitudine neque praestantia Warthoniano multum
 cedere putetur. Iste enim non minus, ac Warthonianus,
 intra suam glandulam in minores dispergitur ramos, et mu-
 nus peculiaris atque communis vasis excretorii, egregie explet.

Sed

Sed ab hac obseruatione in brutis facta, alii postea inferendi occasionem nacti fuerunt, vt similem quoque in sublinguali glandula humana haberi ductum, non satis tuto conicerent. Est tamen haec opinio peruulgata, ac ab anatomicis recepta, vt, praeter *Stenonem*, *Verbeyenum*, atque *Morgagnum*, vix detur, qui aliter sentiat. Istos omnes in opinione confirmauit, quod ductus Parotidis et maxillaris glandulae, primum quidem a Stenone et Warthono in brutis demonstrati fuerint, postea ab aliis Anatomicis in humanis glandulis istis similes leui opera exhibiti sint. At cum anatomicorum alii inquirerent in verum insertionis in ore humano locum, tum non aequae facile, ac in brutis, eiusmodi ductum inueniri, agnouerunt. Nihilominus similitudine, ante dicta, decepti, alii crediderunt ipsum cum Warthoniano congregi, antequam hic prominet, papillamque format; alii intra papillam distincto orificio aperiri existimarunt; alii vero ad papillae marginem tale orificium extare opinati fuerunt. Nemo ad haec vsque tempora aut acie visus, aut experimentis suffultus, certi quid hac de re statuit, ac delineatum dedit, quo ab aliis quoque in humanis cadaueribus, inueniri posset.

Inde alii in homine similem reperiunt falso intulerunt.

Inter hos, qui aliquid memoratu dignum de huius glandulae pluribus ductibus in medium protulerunt, primus fuit *Nic. Steno*, qui, vt olim *Syluius* in buccis iuxta gingiuarum radices, orificia ductuum exiguorum obseruauerat, et iuxta gingiuarum latera interna esse similia glandularum sublingualium orificia, annotauit, quae excretioni destinantur. Ita vero iste loquitur *Tract. de glandulis oris*: “Tertio loco Sublinguales se offerunt, quae vtrique ad linguae latera sitae eiusdem generis cum proxime praecedentibus sunt, nisi quod vasa excretoria obtinuerint, non quidem breuiora, sed angustiora. Oriuntur intra ipsam exilibus riuulis, et hinc sibi inuicem parallela, a lingua versus gingiuas recedunt, vbi ad digiti fere a dentibus distantiam vix conspicuis, nisi preman-

Recensentur qui per plures ductus sublingualis glandulae absolui excretionem crediderunt.

12 DE NOVIS DVCTIBVS SVBLINGVALIBVS

„tur, ostiis per tunicam hiant. Nullae ostiis, nisi ad aliquod
 „interuallum, protuberantiae adsunt, sed, vt in buccae vasis
 „dictum, vbicunque vascula praedicta tunicam penetrant, ibi
 „aequalis est, et plana. An in papillis etiam sinuli adsint, non
 „licuit obseruare, compressi aliquot, sed nihil expressi; hinc
 „refectas examinando, vidi glandulosa frustula esse, quae reli-
 „quas supereminentia tunicam ibi loci in acumen eleuant.
 Quid de his ductibus *Verheyenus* et *Morgagnus* statuunt, vi-
 dere est e sequentibus *Morgagni*, quae Aduersario VI. pro-
 fert, verbis: „Contra vero cum idem *Verheyenus* in vascu-
 „lorum glandularum sublingualium descriptione, *Stenonis*,
 „cuius nomen reticet, iis verbis vtitur; „sibi inuicem paral-
 „lela a lingua versus gingiuas recedunt, vbi ad digiti fere a
 „dentibus distantiam vix conspicuis, nisi premantur, ostiis
 „per tunicam hiant; etsi *Steno* neque cum haec scripsit, ne-
 „que alio in opusculo, cum iterum de iisdem vasculis verba fe-
 „cit, brutorum anatomen indicans, vsquam hominem diserte
 „memorauit; imo Iconismum qui ad bruta manifeste perti-
 „net, adiecit; nemo tamen credat *Verheyenū* quae humanae
 „fabricae repugnent, proposuisse. Quod eo magis monen-
 „dum censeo, quo plures video, qui sublingualium hominis
 „glandularum vascula, vel iuxta maxillarium ductuum ostia,
 „vel, quod *Cowperus* ipse tradit, per haec eadem exonerari,
 „doceant. Namque vt id interdum, aut ex aliqua saltem
 „parte obseruari, non negem; illud tamen certissime scio,
 „me non modo frustra maxillarium ductus aliquando ape-
 „ruisse, si forte aliquod eiusmodi vasculum in ipsos influens
 „comperirem; sed multoties complura vtrinque vascula in-
 „ter se parallela conspexisse, et anatomicis praesertim Vene-
 „tis ostendisse, quae ab exterioribus sublingualium glandu-
 „larum lateribus, non antrorsum, sed in transuersum recta gin-
 „giuas versus tendebant, et non magno a glandulis inter-
 „uallo peculiari quodque osculo hiabant, per quod saepius
 „tenuiores setas eo maiori voluptate immisi, quod apud
 Steno-

Stenonem legeram, haec vasa ne quidem in boum genere^c setam facile recipere., Quae cum Nuckius neque describat, neque delineet, per eum poteras quem modo memorabam, Iconisimum Stenonis exhibere.“

Paucis vero quid de his sentiam expedire quoque mihi liceat. Est aliquod spatium inter glandulam sublingualem vtramque atque gingiuas, quo tractu sub oris integumento communi prominent orbiculi, aut glandulae dispersae. Hoc spatium ob profundum magis sublingualium glandularum situm amplius est in brutis quam in hominibus. In vtrisque vero glandularum ita dispersarum aliquae, breuissima via, ductuque, in oris quasi plano, exiguo ostio hiant, aliae, potius ad gingiuas reclinantur, cum continuato quodammodo ductu, quo orificiis desinunt. Quandoque in hominibus ad vnam alteramque lineam flatu hos primum distendere, postea seta explorare mihi licuit. In vitulis vero plures detexi, et saepe vltra dimidii digiti profunditatem setam ductibus immisi. Sed in his, aliisque brutis, et ipsis quoque hominibus, vbi vnquam deprehendere licet huius generis ductus, horum nullum setam intra vicinam sublingualem glandulam, alteque linguam versus admittere, abunde comperi. Quo diuersarum adeo glandularum ductuumque discrimine obseruato, porro tractus maxillae inferioris inferre videtur, vt earum glandularum, quas iam protuli, et in ore inferius dispersas vocauī, quaeue maxillae proximae sunt, tubulos suos excretorios, vel singulos, vel plurium coalitu fictos, ac fere parallelos, ad gingiuas porrigant, orificiisque terminentur, sicuti *Steno* id fieri solum in brutis delineauit. Sed et glandulae hae earumque ductus, buccalibus ab ipso notatis, per omnia similes censentur. Cum talibus itaque et minoris notae ductibus *Steno* confundit eos, qui ex insignibus sublingualibus originem trahunt glandulis. *Stenonem* autem, quem iam *Bartholinus* confutavit, sequi nihilo minus videtur *Verheyenus*; Et nec ipse *Cl.*

Quantum hi a veris aberrauerint exponitur.

14 DE NOVIS DVCTIBVS SVBLINGVALIBVS

Morgagnus ab isto recedit. Ego vero ductus veros excretorios sublingualium glandularum, non quidem a latere harum externo, sed interno, et protinus e lingua ortos, et ad mediam porrectos glandulam, demonstrare adnitar, quorum orificia hiant, non circa gingivas, sed in opposito glandulae prominentis latere, quod internum est, linguaeque proximum, atque porro, hos ductus excretorios, amplitudine ac longitudine istis maiores, suoque ordine egregio numeroque conspicuos, aperto experimentorum testimonio, alte subire glandulam, et eidem immergi, pluribus ostendam. Vnde clare patebit, *Stenonis* anatomem a glandulis humanis alienam esse, et veros sublingualium glandularum ductus, ad praesens vsque tempus anatomicorum oculorum effugere aciem. Plurimum anatomicorum turbam in scenam non producam, ideo, quod ad duas classes omnes referri posse, iam ante indicauerim; cum aut vnum, vt in brutis; aut plures excretorios ductus sublingualis glandulae supposuerint.

*Verorum
glandulae du-
ctuum latera-
lium olim in-
veniendorum
impedimenta.*

Commodum ergo est, vt propriis meis obseruationibus innixus, accuratius, quam haecenus anatomici egerunt, describam, proprium et anteriorem glandulae sublingualis ductum, et simul plures excernendi munere functos, producam. Hos distincte proferre ideo constitui, quod eorum primus, Warthoniano proximus, cum hoc facile confundi possit, et quod e re deducam, exemplum vnius e numero a me demum inuentorum proferre, quem alte intra glandulam profectus fui. Ex comparatis ante anatomicorum obseruationibus, et variis de ductu sublinguali opinionibus, facile colligitur, ductuum istorum vix vnum in homine ab vilo repertum, aut recte demonstratum fuisse, dubiamque haecenus et incertam remansisse huius glandulae excretionem veram, sicut praeter ante dicta apparet ex iis, quae profert *Nuckius* in Sialographia. Et certe est difficilis anterioris per setam flatumque inuentio, sed longe difficilior a Warthoniano separatio, quo distinctus in conspectum prodeat.

deat. De quibus et aliis anterioris excretorii ductus conditionibus, cum sileant, quotquot ego legi, scriptores, qui quandam de excretionem e glandula mentionem faciunt, eosdem potius hariolatos, fuisse, quam certum aliquid tradidisse, ego arbitrari ausim. Hi si forte duplicem setam papillae Warthonianae immiserunt, non penitus ipsis constitit, utrum in sublinguali, an vero in Warthoniano inflexo, aut bifido, aut seta pertuso, alterutra setarum haeserit, sicuti ex iam dicendis pluribus elucescet. Ante hos quatuordecim annos, cum anatomen ego duce *Ruyfchio* Amstelodami colerem, eandem fovi opinionem, quam pluribus placere ante monui, saluam scilicet in glandula sublinguali secretam, infundi in ductum Warthonianum; suadet id notanda Warthoniani ductus magnitudo, et huius in sublingualem glandulam transitus. Ad quae accedebat, quod aliae salivae istius viae, tum mihi minus paterent. Postea vero, cum praxin in hac vrbe exercerem, mihi quoque sectiones pauperum demortuorum quandoque instituendi se offerret occasio, linguas quas potui examinaui. Hinc in ductum sublingualem, qui ex brutis mihi notus erat, ac si cum Warthoniano una papilla hiaret, inquisiui; Is labor nonnunquam ita cessit, ut etiam statum ad sublingualis glandulae corpus manifeste adegerim; Alio iterum conatu, Warthonianum ductum a glandula sublinguali caute separavi, eundemque eleuaui, ut emergentis forte sublingualis ductus aliquod vestigium reperirem: Iam omni industria, microscopio quoque adhibito, utriusque unionem peruestigare suscepi. Quandoque ipsam incidi sublingualem glandulam, ut proprium ductum, aut eius radices detegerem; Alio tempore, vel statum, vel liquorem tinctum, vel ceram in Warthonianum immisi; sed nil horum ad glandulam sublingualem pervenire sensi; Nec tamen valvulas, quae forte ingressum in sublinguales praecluderent, temere supponere volui, quin potius alias quaerere vias apud me constitui, quae a Wartho-

16 DE NOVIS DVCTIBVS SVBLINGVALIBVS

thonianis recederent. Cum vero experimenta non contemnenda, hypothefi minus responderent, laborisque taederet, vtpote qui toties repetitus, frustraneus cenfebatur, ductus a latere linguae et a papilla diftantes, quaerere malui. Res voto respondit, et cum in vtroque latere, trium circiter linearum a freno diftantia, ductum inueniffem, qui flatum immiffum, ad fublingualis glandulae vsque corpus reciperet, rectoque itinere, confpicioque progreflu, mearet, me inueniffem in homine verum illum, quem ante faepius frustra quaefiueram ductum, exiftimaui, id folum metui, vt tantis glandulis hi ductus fufficerent. Interim denuo linguam e cadauere excidi, et iuxta papillam Warthonianam, fetam ad decem fere lineas forte et feliciter intrufi, verum fic protinus fubfiftebat, nec altius ficut illa, quam in ductum Warthonianum inferui, moueri poterat. Diftinctum inde vtriusque canalis orificium, cum cernerem, flatumque per vnum paululum diductum adigerem, hoc ipfo quodammodo agitari fublingualen fenfi. Ex quibus inter fe comparatis aliisque inde a me obferuatis, iudicaui, excretorios ductus proprios, et a Warthonianis diftinctos, fublinguales glandulas fibi equidem vindicare; at vero naturam in eorum fitu variare, et quandoque ampliores iuxta papillas hiare, quandoque vero plures, longiore a freno diftantia, in ore aperiri.

Anterioris novorumque ductuum glandulae fublingualis primi, inventionis hiftoria et profunda intra glandulam inueftigatio exempli loco fequentibus inferuiens.

At anno praeterito, cum munus Profefloris Anatomies et Chirurgiae a Rege Poloniarum Potentiſſimo mihi in hac Academia concederetur, aliquot menſium ſpatio poſt, permultorum cadauerum mihi facta fuit copia, quorum linguas cum glandulis mufculisque, pariter et pharynge laryngeque connexis, accuratius examinare, conſtitui. Namque dignum Anatomico opus cenſebam, partem, praeſtantem nexu, tantoque rerum memorabilium numero, et elegantia confpicuam, diligenter perluftrare, quod plura nondum ab aliis penitus ac ſatis explorata perſpicerem, quibus nec mea opera non aliquid lucis addi poſſe credebam. Inter cada-
vera

vera aliquod foeminae lue venerea confectae, e Nosocomio in Theatrum anatomicum afferebatur. Huius linguam cum supra dictis, connexisque, e cadauere exscidi, et vt glandulae integrae, ductusque salui permanerent, sedulo curavi. Tubulos adhibui tenuissimos, quibus pro vasis lymphaticis, mercurio replendis, vti soleo, quo ductus explorarem sublinguales laterales, quos quodammodo iam ante cognoueram, vt de eorum numero certi aliquid statuere possem. Atque horum vnum alterumque postquam inuenissem, dum anteriores exquirerem, vt curiositati meae, si fieri id posset, tandem satisfacerem, iterum prioribus vestigiis inhaesi. Hinc papillam Warthoniani ductus sum aggressus, et primum mercurio totum repleui ductum, postea vero in sublingualem vicinum forte inueniendum, mentem oculosque figens, flatum iuxta papillae ambitum diu satis vrsi, donec ductum tanquam e puncto in vicinia emergere, flatumque profundius duci, quodammodo experirer. Mox tubulum qui puncto conueniebat, applicaui, et per eundem nondum profunditate, quae lineae aequalis esset, illatum, mercurium inieci, quem prompte largiterque ac subito intrare percipiebam. Nec tamen, qui iam ante Warthoniano comprehendebatur mercurius, minimum aut agitabatur, aut mouebatur, aut aliter immutabatur. Neque minori labore eundem in latere opposito conseq̄uebar ductum, cui postea setam, quae conueniebat, immisi. Vtriusque orificia angusta, interuallo lineae circiter a papilla remota, cum obseruassẽ, inde in promptu esse causam iudicaui, quare hi ab anatomicis vix in homine detecti, et a Warthonianis distincti, pariterque demonstrati haectenus fuerint. Sed ad illum reuertor ductum, quem ante praeter Warthonianum mercurio sub lingua repleueram. Vt enim eo certius vtrumque prosequerer, et Warthoniano istius lateris, et nouo sublinguali, praeterquam, quod mercurio iam pleni essent, insuper setam nigricantem immisi. Sed inde inuentum ductum, quem non-

dum omni exceptione maiorem iudicabam ; sed necessum tum arbitrabar, vt idem ab aduersa glandulae parte, et vbi genioglossò ac ceratoglossò musculo haec contegitur, exploraretur, quo tandem, tanquam verus atque distinctus ductus, publice demonstraretur. Quamobrem infimum integumentum, quod emergentem intra fauces linguam, ipsamque glandulam sublingualem quodammodo et tegit, et vincit, cultro separavi. Hinc inferius glandulam ductumque Warthoni, ita a membranis connexis liberaui, vt melius in conspectum prodirent. Prodit ergo hic ductus vti supra monui, primum e glandula maxillari accliuus, postea obliquo itinere versus sublingualem fertur. Vtramque proinde, et sublingualem et maxillarem glandulam, a musculis aliisque, sigillatim vero sublingualem, ab oris integumento, ad exiguam vsque a papilla distantiam, caute separavi, et versus linguae axin reclinaui Tab. I. Fig. I. C. Ita vero superior et quae alias lingua contegi solet, sublingualis glandula, in conspectum venit. Sed haec veluti sacco proprio aut tunica cellulosa membranaeque, quam quoque venae, perreptant, illa parte comprehenditur : hinc eam auferre, glandulamque amplius denudare, e re visum fuit. Tum vero intra tenuem membranosumque Warthoniani ductus E. contextum transparuit mercurius, quo refertus fuit, argenteamque retulit columnam, sublingualis corpori, vti supra dixi, insistentem et egregie conspicuam. Vnam ac indiuisam, in reclinata ita, denudataque glandula, hanc apparuisse columnam profiteor. Proinde hac comprehendendi duos ductus diuersos, nondum perspexi : Propendebat autem in sublinguali glandula, ab ipso Warthoni ductu exiguum tuberculum, quod protinus cum isto coalescere videbatur, Fig. I. spatium Bb. comprehensum, nec nisi portionem quandam glandulae exiguam, tanquam intra angulum isti sacculo et Warthoniano ductui interpositam, admittebat. Quae quidem mercurius, pondere suo grauis, discernebat. Porro ante dicta-

Etarum fetarum vnā solamque in hoc concedere quasi di-
 uerticulum obseruabam; Sublingualem igitur ductum subi-
 re Warthonianum existimare coepi; Sed mea quoque in hac
 re me fefellit opinio. Cum enim altius inquirerem, tarda
 operatione et modica vi, istum, ceu ductum peculiarem, a
 Warthoniano diuelli posse, animaduerti. In quo proinde
 utroque, mercurio repleto; coalitis, firmiterque innexis,
 prorsus separandis, omnem operam collocaui. Ex voto ce-
 debat labor, ac qui a Warthoniano distinctus prorsus est,
 glandulae sublingualis ductus, prouenit. Namque ad de-
 cem fere linearum longitudinem, versus papillam a se mu-
 tuo segregauimus, ut integer saluusque vterque permanserit, ac
 mercurium in se continuerit. Ex quo ea quae antea vna,
 simplex apparuit columna, iam duplex apparuit, quarum
 utraque contentum intus mercurium colore eleganter pro-
 didit. Nil adeo tam horum ductuum separationem iuuare
 expertus sum, quam si vterque mercurio repleatur. Quam-
 uis enim in latere eiusdem linguae opposito, et in aliis quo-
 que linguis, diuerso modo, ductum detegere conatus fuerim,
 fetamque sat alte intromiserim; haec tamen potius inter
 Warthoni ductus membranas haerere visa fuit, nec vna cum
 vero, cui inerat, ductu, a socio sine ruptura separari potuit,
 secus, ac euenit, quando vterque mercurio repletus fuit.
 Proprio enim mercurii pondere, quisque eorum ab altero
 socioque diuellitur. Ita vero, qui ex sublinguali glandu-
 la nascitur ductus, recto itinere, cum sibi ad vsque
 Bb Tab. I. Fig. I. connexo, etsi ampliore quodammodo,
 Warthoni ductu, versus papillam, fertur, at iuxta eandem,
 lineae circiter intervallo Warthonianum relinquit, et simili
 in papilla distantia, hiat. Sed ut ante docui, arctum admo-
 dum est orificium, nec sine opera detegitur. Et Wartho-
 niano sublingualis noster tenerior est, dum amplitudinis di-
 midia fere parte ab eo differt. Maxime coarctatur, cum
 propius ad extremum accedit, ubi in primis sua angustia a

Warthoniano distat. Inferius ampliore alueo ab hoc digredi deprehenditur, vbi portio habetur glandulae sublingualis ante dicta, quae vtrumque aliquantum seiungit, et sub altitudine Bb Fig. I. comprehenditur. Eadem Figura locus vbi prope papillam seta, B immissa fuit, et in ore hiat ductus nouus et anterior sublingualis, propter glandulam reclinatam nimis inflexus, et à latere in glandula leuata visus, indicari satis non potuit. Infra tamen iste alia occasione delineabitur, et omnibus rei veritatem inspicere volentibus, clarius demonstrare potero, quia inuentum et a Warthoniano E. separatum, repletumque mercurio ductum, in Theatro nostro Anatomico seruo integrum. Tam alte glandulam intrauit mercurius, vt non exiguam eius copiam, pressione glandulae, in ductum omni tempore transferre possim. Vnde certus factus sum, quod is, qua suum e corpore sublingualis glandulae ortum, et tantum cum Warthoniano coalitum, atque nexum, formam denique et reliqua, primum a me, quantum scio, detectus et separatus in glandula reclinata, demonstratusque publice fuerit. Nam de his ductus desiderati conditionibus, aut dubii sunt, aut prorsus silent, quotquot mihi legere contigit scriptores anatomicos, vt adeo dignam iudicauerim obseruationem hanc meam, quam cum aliis communicarem, vt ipsorum inde excitetur industria, vtque in pluribus cadaueribus ab aliis quoque, iste a Warthoniano distinctus, socius quanquam ductus, exquiratur felicius et inueniatur.

Inter inquirendum minus attentus facile errare potest.

Vt vero accurate fiant omnia, iterum iterumque moneo. Vbi enim seta minus caute intruditur manu, locoque prope papillam alieno, adigiturque tubulus, et immittitur flatus, etsi tumere quodammodo glandulam sublingualem appareat, non tamen protinus ad ductum verum, et corpus alte subeuntem, concludendum erit. Namque supra annotaui, glandulam, e lobis contextam, sua muniri cingique membranacea ac cellulosa capsula, in quam, vbicunque flatus im-

mise-

miferis per angustum hiatum, ibi agitationem totius glandulae, et inter loborum interstitia ferri aerem, percipies, quod idem in maxillari quoque glandula experimur. Imo vero setae iuxta frenum immissae, nonnunquam antea versus mentum ducuntur, et quidem per poros, qui spectant ad glandulas exiguas, et distinctas, quas, buccalibus similes supra pronuntiaui, quosque poros *Nuckius* in Sialographia cum longioribus verisque ductibus confundit. Hae etiam viae, si paulo ampliatas, vi illata, fuerint, cum inuolucro isto flatum communicant, ut aerem ita immisum, etiam ultra glandulae fines, et ad posticam superioremque linguae regionem, si flatus continuatus fuerit, vrgeri et erumpere, non vna vice animaduverterim. Neque adeo tales, cum sublingualibus istis verisque et eminentibus ductibus, vnquam confundi velim.

Inuentus ita demonstratusque anterior glandulae sublingualis humanae ductus excretorius, ad fundendam saliuam non minus ac alii supra traditi disponitur, idoneusque censetur. Exporriguntur a medio mento ad vsque linguae radicem genioglossi et geniohyoidei muscoli, pluresque hic linguae subiiciuntur, qui exitum salivae promouent, cum glandulam sublingualem, et quem descripsi ductum, saepius concutiunt, propriumque suae salivae motum concitant atque augent. Quod ut feliciter eueniat, laxius haeret sublingua glandula, nec dissimili ratione eadem infimo oris integumento tegitur.

Vfus primi ductus lateralis iam expositi.

Ductum hunc, cum praeter alia obseruata, in duabus linguis in Theatro nostro anatomico auditoribus meis demonstrarem, in eodem semper loco ipsum non reperi, nec toti prospicere glandulae iudicaui. Quamobrem in his pluribus linguis omnem illum ambitum superficiemque, ubi glandula in ore prominet suo integumento operta, et ad posterius vsque linguae ligamentum excurrit, quod versus vuulam ascendit et glossofaphylinum complectitur muscu-

Animus ad reliquos in utroque linguae latere accurate inueniendos applicatur.

lum, accurate intueri et examinare suscepì, quo demum de omnibus ductibus, ante dicto similibus, quorum orificia hic aperiri possent, ita mihi, aliisque constaret, vt tandem aliquando a dubiis liberaretur haec sublingualium glandularum excretio. Quod opus vt amplius perficerem, nulli aut tempori, aut circumsp̃ctioni, aut labori peperci. Observationibus ergo quas olim hac de re iam institueram, ea potissimum adieci argumenta, quae ex recentium quatuor linguarum humanarum, quas huic speculationi dicaueram, examine exquisito cognoui. Quanquam enim iam ante haec tempora detexissem vnum alterumque ostium, quod vel flatum, vel etiam tenuiorem setam ad sublingualem deferret glandulam, nec tamen perpauca illa, obiterque tum notata, mihi, glandulae magnitudinem formamque perpendenti, satisfecerunt. Cunctas ergo obseruationes, iam in summam colligere, ac diuersas quodammodo inter se conciliare constitui. Quare iam plenius tradere proximum est, quae assiduo labore, et indefesso linguarum examine expertus fuerim, quarum alias, maxillae inferiori, et a nexu cum superiori liberae, inhaerentes; alias vero excisas, decenter perlustrauì. Atque hic ea in mentem reuocare oportet, quae supra de glandulae in viuētib⁹ situ nexuque disserui. Haec antèrius in ore, et sublingua ab vtroque freni latere, a lingua fertur decliuis, margoque exterior latiorque circa mentum maxillaeque latus, sub gingiuis adnascitur. Inde assurgit, et sub integumento oris flaccido, secundum linguae longitudinem porrigitur, et interno suo latere cum lingua arcte committitur; quo ipso tractum illum glandula efformat, quem ore aperto prominere sub lingua, et in viuīs conspici, supra obseruauì. Idem tractus glandulae, ad laterale extimūue, quod ante descripsi, linguae ligamentum protenditur, inde quodammodo flectitur, vbi tenuior facta, deorsum et ad finem suum vergit. In isto linguae promontorio talique eius tractu lineaque, quae parum a recta recedit,

dit, reperiuntur inaequalitates, quas formant, vel parui glandulae lobi, qui sub tunica oris protuberant, vel quoque exigui fontes, dum elatis nonnihil papillis, aut saltem salua turgidis orificiis, prominent, et in cauum oris hiant. Quorum orificiorum sicuti numero habentur plura, ita ad ligamentum vsque linguae, terminumque ante notatum, eleganti prorsus ordine disponuntur, omnemque attentionem merentur.

Ita vero positorum orificiorum constans est series lineaque linguae proxima, vt minus se confundi patiantur cum aliis, quae *Steno* depinxit atque quae ductuum, versus gingivas e glandulis sublingualibus assurgentium, fines esse, asseruit. Quem cum alii, vt supra notavi, secuti fuerint, probe obseruandum est, quod et situs glandulae obliquus, et eius in progressu extenuatio, spatium ante notatum, concedat, pluribus exiguis orbiculis atque glandulis, sub integumento oris iuxta maxillae longitudinem, sparsis, atque prominentibus. Quarum nonnullae, sicuti satis exiguos versus gingivas porrigunt ductus, ita eorum orificia quae *Steno* delineauit, quoad in homine similia inuenire licet, glandulis minoribus competunt a sublingualibus longe diuersis. Ac recte *Bartholinus*, vt supra monui, *Stenonis* errorem detexit. Namque quae bruta, peculiari huius glandulae ductu insigni excretorio, gaudent, qui in ore prope Warthonianum sub communi papilla aperitur, in iis laterales mei prorsus deficiunt, adfunt vero Stenoniani ductus, qui buccalibus similes censentur. In homine autem atque in vitulis, aliisque animantibus, horum tubulorum plures examinavi, nec per ipsos intra sublingualium glandularum corpus, vel setam, vel flatum, vel mercurium iniicere potui, sed omnia sub oris integumento substituerunt. Et certe in modo dictis animantibus brutis sublingualis glandulae situs, ductus laterales non admittit: Namque ea circa mentum prorsus acuminata desinit, nec late, vt in homine, panditur; Tum etiam minus,

Vitari in hac doctrina debet glandularum confusio.

24 DE NOVIS DVCTIBVS SVBLINGVALIBVS

ac in homine, in ore prominet, sed deorsum fertur, et maxillis musculisue submergitur. Quae cum ita se habeant, permulta, quae *Steno* et ex ipso alii de sublingualibus ductibus retulerunt, non leuem emendationem mereri, patet. Sed ad nouos, qui linguae latera rigent ductus, et a me primum inuenti fuerunt, iam describendos me accingo. Horum orificia non sub gingiuis, sed loco satis remoto, et in ipso linguae latere detexi.

Duplex humanarum glandularum sublingualium, ex per multarum linguarum indagine statuitur genus.

Est vero inter linguas humanas quoddam, nec leue discrimen, et commode in duo genera eas diuidi posse, expertus plurimum exemplo sum; Aliae enim circa mentum tenuiores minusque latas glandulas sublinguales subnexas habent; aliae vero linguae, multo latiores, ambituque maiori a corpore linguae ad maxillam vsque pansas referunt. Vtrumque genus tandem in tenues lobos desinit, vt supra tradidi. Hinc simile inter ductus laterales, a me detectos, subnascitur discrimen. Namque vbi glandulae tenuiores et oblongae magis sunt, tum tribus circiter lineis, primi lateralis mei orificium a Warthoniani ductus papilla distat, et ipsi ductus ita seiuncti apparent. At vbi latiores maioresque in ore prominent glandulae, tum vix vnus lineae spatio, ductuum meorum primi orificium, a papilla iam dicta abest. Sed in his glandulis ductus anterior excretorius cum Warthoniano, sicut supra indicaui, cohaeret. Vti vero primi, ita et ceteri ductus, in vtroque glandularum genere inter se variare solent. Namque in primo genere anteriores obseruaui minores prae reliquis, in altero vero maiores. Ex quo cum variant et glandulae, et quoque excretorii ductus, hinc in vtroque genere exemplum proferre, apud me constitui, vt ductuum quodammodo pateat proportio.

Quae in vtroque genere communia sunt annotantur.

Ac primum ea referam, quae non exiguam in inuestigando difficultatem pariunt, quaeque ideo omnibus communia, ac in vtroque genere familiaria esse, obseruaui. Ipsi ductus vbi iam detecti fuerunt, non prorsus exiguis corporis

ris

ris nostri canalibus annumerari debent, sed pro suo, quo extant numero, parteque, ad quam spectant, satis ampli atque capaces conspiciuntur: Attamen quotquot eorum detegere licet, hi omnes circa ostia extrema valde coarctantur, vt puncta quaedam exigua, poris similia, saepe exhibeant. Qua angustia sua, maiores salivae canales excretorios, parotidis et maxillaris glandulae imitantur, et quoque adstricta osculorum angustia detegendorum difficultatem auget, quae tum maior certe euadit, quando omnes, in vtroque linguae latere, inuenire, fetisque immixtis distinguere conamur. Sed tractu, quem supra obseruavi, bene notato, laborem vincit acies visus, tubulorumque aptorum vsus, per quos flando aer inspiratur. Neque tamen tantum requiri laborem comperi, quando in recentibus linguis orificia quaesiui, quam, vbi pluribus post mortem diebus ea inuestigavi. In istis enim, cum satis diductae a se mutuo essent maxillae, et linguae integrae in inferioribus adhuc haerent, in iis ductus peruestigare licuit; quanquam hic quoque labor, propter flaccidum nimis sublinguale integumentum taedio penitus non caret. Vbi vero exempta e maxilla lingua, hos ductus exquirere animus fuit, tum ductus praepondere partium cum glandula connexarum, ita trahuntur, tendunturque, vt subsideant ipsorum orificia, visuique se propemodum subducant, et laborem taedio plenum ac diuturnum saepe reddant. Adhaec teneros adeo ductus, exiguaeque ipsorum orificia, non aliter inuestigare decet, quam vbi madet adhuc sublinguale integumentum. Industria vero adhibita, et aere inflato, tandem tam exigua aperiuntur ostia, quae, si ex fetis, quas immittere soleo, eadem quodammodo aestimare conueniat, aut cum papillae Warthonianae ostio saltem comparare, triplo circiter minora esse meorum orificia iudicare cogar: quamuis vt infra dicetur quaedam quoque in hac amplitudine aliquando occurrat varietas. Quamobrem mirandum minime est, quod hi ductus ob tantam,

E

quam

26 DE NOVIS DVCTIBVS SVBLINGVALIBVS

quam inter inueniendum difficultatem praebent, oculos anatomicorum haecenus effugerint. Sed quotquot reperi, omnes, statim ab orificiis ampliores fiunt, ipsumque glandulae sublingualis corpus, et in vtroque latere intrant, altasque in eo radices agunt, et in eodem sub linguis tractu emergunt, orique inferuntur.

Quae in primo genere glandulisque minoribus ac tenuioribus propria habentur.

Quibus expositis, in primo, quod stabiliui linguarum genere, tenuioribusque glandulis, iam ductuum discrimina subnectam, et quae fetis porcinis immixtis, aut aere iniecto, aut aliter indagari a me potuerunt, exhibebo. Sigillatim vero primus, seta notatus, Tab. I. Fig. 2. B. qui in hoc genere trium circiter linearum interuallo a papilla Warthoni remotus esse solet, eandem fere amplitudinem et quoque longitudinem refert, atque ea est, quam obtinet secundus C. In vtrisque vero profunditate quinque circiter linearum, setas intra glandulam adest. Ipsum glandulae corpus F. tum vix ultra septem lineas latum antea inueni. Ductus secundus a primo tribus distabat lineis, et vtrique quae seta immixta fuit, non quidem in linguis, quae maxillae adhuc inhaeserunt, sed in linguis iam exemptis, resectisque, fere parallelae apparuerunt. In vtrumque, ita inuentum paulo facilius, ob ampliora orificia, setas agere potui, quam in duos reliquos, qui in eodem, sub lingua, tractu sequuntur. Tertii namque D. et quarti E. orificia, equidem ante dictis angustiora quodammodo inuenta fuerunt, sed mox istis ampliores apparuere ductus, ut cum flatu expansi, aliterque repleti, et altius intra glandulam peruestigati essent, tumore multum superiores fuerint istis, quos primo nominavi loco. Horum Tertio in lingua quae hic icone expressa habetur, setam ad sex vsque lineas indidi, quartum vero longissimum deprehendi, qui decem lineis setae ingressum in glandulae corpus patefecit. Hi duo ultimi sicuti statim post introitum ampliores fiunt, ita vterque pro sua longitudine, sigillatim vero quartus, ad lobum glandulae vsque fertur. Ita vero
fe

se exhibent, vt Tertius 9 $\frac{1}{2}$. lineis, quartus vero digito cum linea, a papilla Warthoniana suis orificiis absint, neque sibi vt ante descripti paralleli sint. Magis vero in viuus a tali itinere deuiant, glandulaeue situi naturali, quodammodo arcuatae, conformes se praestant.

Nunc ad alterum linguae glandularum genus me con- *De altero glandularum genere obser-*
 verto, vbi latiores maioresque glandulae, anteriori linguae *glandularum*
 parti linguae subnexae, et maxillae muscutorumque genioglossorum parti adnatae, habentur. Et si in hoc genere, numero pares detexerim ductus et a linguae latere porrectos truncos, quorum in simili sub lingua tractu sita sint conspicuaeque orificia, mirum tamen est inter singulos discrimen, et a primo genere ductuum omnium diuersitas. In hoc namque, quod iam declarabo, glandularum genere, laterali-
 um, primi Tab. II. seta B notati orificium, non vt ante, tribus quatuorue lineis, sed vna circiter, quandoque etiam minori interuallo, a papillae Warthonianae ambitu, remotum fuit. Id ipsum orificium inter reliqua satis patulum reperi, nec setam aegre admisit. Sed qui inde versus glandulam porrigitur ductus, is longe amplior ac primus in ante dicto genere, protinus ab orificio euadit, cui ad decem fere linearum longitudinem intra glandulae corpus seta immissa fuit, prorsusque conuenit cum eo, quem supra descripsi, mercurioque repleui. Vbi vero lingua adhuc intra maxillam haeret, oblique deorsum, ad morem connexi Warthoni ductus, fertur. Quem vbi relinquit, potius versus glandulam reliquam inde deflectitur, et in ramos diuiditur. Sed hunc proxime sequitur alius C, qui non minus insignis censetur, imo amplitudine et longitudine ante dicto aequalem reperi. Vndecim lineis cum fuisse a papilla Warthoniana remotus fuit. Hi duo anteriores opera leuiori quam ceteri deteguntur, quia et ampliores sunt, et plus continere valent. Tertius D interuallo digiti cum quatuor lineis ab ista papilla aberat, et ad decem linearum profunditatem, setam per ipsum, in glandu-
 lam

28 DE NOVIS DVCTIBVS SVBLINGVALIBVS

lam intuli. Quarti E orificium digitum et $8\frac{1}{2}$. lineis a papilla distabat, et vltra 7. lineas immittere setam haud potui. Sed tum in tenuem lobum F. minoremque, vt in priore genere, iam desinit glandula. Hic quandoque vnum aut duo orificia e. e. post quartum modo notatum detexi, quae setas oblique antrorsum ad ipsum ductum quartum, ceu huius rami admiserunt. Quos autem cum non semper reperire mihi licuerit, vtpote exiguae notae ramos, ad praecipuorum et constanter obseruatorum numerum quaternarium non refero. Ex quibus iam in vtroque genere prolatis, patet insigne glandularum ductuumque competentium discrimen. Hoc quidem, vltimumque genus, plus saliuae largiri videtur, istud quodammodo minus, quod iudicare praecipue conuenit, ex glandularum anteriori latitudine. Namque transuersam glandulae nostrae vltimae latitudinem sub fine primi ductus, aut potius setae immisae, digito cum tribus lineis inueni aequalem; at sub finem secundi, $11\frac{1}{2}$. lineas, tertii vero $10\frac{1}{2}$, quarti tandem 8. lineas latitudo referebat. Tum vero glandula in latitudinem linearum quatuor, minoremque ac in suum lobum versa, cum maxillari processu aut lobo committitur, itaque cum Warthoni ductu, quem vterque medium tenet, ad corpus vsque maxillaris glandulae porrigitur, et desinit. In hoc tandem linguarum genere vbi primus ductuum adeo vicinus est papillae Warthonianae, ne vllum ductuum itineris paralleli patet vestigium.

Quantum igitur permultarum linguarum examine probe instituto, obseruare potui, quatuor in omnis linguae humanae latere vtroque habentur orificia, quibus totidem ductus saliales, tanquam radicum ramorumque in glandula sublinguali collectorum trunci conueniunt. Hos saepe dimidia, aliquando tertia aut quarta amplitudinis parte, quae Warthoni ductui in vicinia excurrenti competeat, conspicuos reperi, neque ipsi dissimili intra glandulam proueniunt origine, atque supra de Parotidum et Maxillarium ductibus prae-

*Oste nonorum
iam detecto-
rum ductuum
usus.*

praedicaui, sicuti mercurio iniecto aliisque experimentis comperi et ex glandulae praesentis cum istis comparatione facta collegi. Sunt vero hi ductus, veri canales excretorii, et ampli et patentes adeo post angusta eorum orificia fiunt, ut tot tantique qui a linguae utroque latere procedunt, pro excretionem, ex tota glandula perficienda, sufficient. Quem in finem egregie apteque disponuntur, et singulis glandulae portionibus dicantur, commodeque inseruiunt, et admirari decet, et orificiorum et ductuum in utroque linguae latere similitudinem. Quae sicuti in una linguarum humanarum eleganter inter se conueniunt, ita in pluribus, suo duplici ordine modoque, quo ostia locari, ductusque ampli longique esse et excurrere solent, aequae glandularum amplitudinis, in utroque genere iam proposito, proportionem seruant, ac sapientiae prouidentiaeque diuinae sunt testes. Namque ipsi praecipui censentur fontes, qui gingiuarum latera interna, ipsisque insitos dentes, saliuam perfundunt, et linguae notabilem tractum, orisque basin utrinque rigant, perpetuoque madore perfundunt. Multum proinde hi conferunt et ad alimenta in ore facilius dissoluenda, et ad loquelam continuandam, pluresque instituendos linguae, et connexorum in ore motus. Qui motus sicuti valde necessarii proficuique censentur, ita quoque siccitas organum in ore obesse, merito putatur. Quamobrem detecti iam laterales in homine ductus, perniciosam oris fauciumque ariditatem eo melius auertunt, quo aptius liberiusque utraque glandula linguae subiacet, ut ex utraque, tanquam mammis prominentibus, tubulisque ceu papillis inde exortis, pro varia incumbentis linguae agitatione motuque, perinde ac musculorum vicinorum contractione, proprius secretae intra glandulas salivae motus, mirifice iuuetur, ipsa vero saliuam prout expedit, e ductibus largiter expellatur et profiliat. Suadent haec et aptissimus laudatarum glandularum ductuumque situs nexusque, et, quod supra iam mon-

30 DE NOVIS DVCTIBVS SVBLINGVALIBVS

nitum, tot canalium cum amplitudo, tum longitudo. Quibus recte expensis nemo errorem facile committet, si ex tanta glaudula itaque constitutis canalibus, cognitis recte aestimatisque, vix inde minorem accedere saluæ copiam, et ad linguæ latera manare existimet, atque ea est, quæ ex papilla Warthoniani ductus prorumpere solet.

Eorum publica demonstratio in pluribus linguis.

Cuncta quæ de nouis his lateralibus ductibus glandulae sublingualis proposui, nupera Anatomia publica Auditoribus meis abunde exposui, et plures vtriusque generis supra stabiliti linguas, quas ideo in Theatro anatomico seruaueram conspiciendas præbui, et sicuti omnia, ita et numerum IIX principalium meorum ductuum, recentis linguæ demonstratione, iterum confirmaui, et in latis amplisque glandulis, cadaueris cuiusdam masculini sexus, in vtroque linguæ latere quatuor principales supra relatos exhibui. Erat homo exiguæ staturæ exiguoque collo præditus, et talis faucium apparuit conditio, vt ante sectionem quodammodo sperare possem, latam me inuenturum glandulam sublingualem, valdeque Warthonianæ papillæ vicinum, anteriorem a me inuentum ductum. Quæ res vti voto respondit, ita ad viuum totam Tab. II. delineari curauim linguam, quæ libera, et suspensa cum ductibus detectis notatisque conspicitur.

Reiciuntur aliae opiniones.

Quibus factis obseruationibus, falsum esse pronuntio, vnum vniuersæ sublinguali glandulae humanæ, vt in brutis repertus est, competere ductum excretorium. Errorem inde natum coniicio, quod vel minus dextre inquisiuerint artis anatomicæ professores, vel anatome brutorum comparata contenti, ab opere manum abstinuerint. Nunquam obseruaui, ductum, qui glandulae laudatæ competat, suo orificio aut in Warthoni papillæ interno, aut externo ambitu, sub lingua humana hiare, aut proxime, vt supra de vitulo retuli, in ore aperiri. Sed quæ supra in vtroque glandu-

dularum nostrarum genere proposui, cum aperta sint, ex iis plurium excretoriorum ductuum ratio aestimari debet. Quanquam enim aetatis ratio pluresque causae quantitatis modum mutare valent, vix tamen vniuersa vniuscuiusque linguae connexarumque partium conditio, et ductuum dispositio, notabilem quandam in proportionem mutationem admittent. Atque sic quem supra detexi mercurioque repleui Warthoniano socium, glandulae sublingualis ductum, pro lateralium nouorum primo, iure meritoque habeo. Etsi enim ille longior quodammodo in icone appareat, ac is, quem iam primo consignauimus loco, id tamen et a pondere mercurii contenti oritur, et inde maior factus reputatus a me fuit, quod foemina illa cum viueret mercurio vsa, lueque venerea mortua esset. De reliquo vero cum hoc asserto, et quas supra tradidi observationes, et plures quas in altero linguarum genere feci, sigillatim quas Tab. II. exhibui prorsus conueniunt. Namque orificium huius egregiae capacitatis ductus, a papilla Warthoniana lineae interuallo distat, et ipse cum Warthoniano sociatur ac a superiori parte cohaeret, mox vero pro glandulae situ naturali oblique descendit, donec, Warthoni ductus, in sublingualis glandulae corpore inde recedit, et altius fertur.

Vt vero omnis vitetur error, id iam monere fas duco, ne in primo ductu laterali, aequae ac reliquis inueniendis explorandisque quis adhibeat rigidas crassasque setas porcinas, quas Warthoni papillae ostium admittere valet; sed postquam orificia flatu reperta fuere, triplo circiter tenuioribus uti licet, ne forte pertusa interiori oris tunica, ad sublingualis glandulae inuolucrum violenta manu aditum paremus; ut flatu porro adacto, qui ita integram saepe glandulam agit, decipiamur, falsoque opinemur, nos in vero versari ductu. Qui error aliis saepe numero imposuit. Sed is detegitur, cum pluribus locis tales ingressus parare, similemque effectum praestare, et flatu continuato, per eiusdem tunicae tra-

Inter inuestigandum hunc ductum, errores vitandos esse, monetur.

32 DE NOVIS DVCTIBVS SVBLINGVALIBVS

tractus in vicinas quoque partes, et ad ipsam linguae summitatem radicemque aerem transferre valemus.

*Alii minoris
notae tubuli
glandularum
in ore disper-
sarum com-
memorantur.*

Fontes supra exposui, qui e Parotidibus Maxillaribusque glandulis oriuntur, et salivam reddunt, quorum alii buccas proximasque humigant gingivas, alii linguae apicem prope frenum humore conspergunt. Vterque vero humor, suctione ad quemcunque locum linguae, praesertim agitatae, peruenit. Superfuere igitur, quos inveni exposuique laterales salivae fontes, qui vtrumque linguae latus, humore pariter perfundant. Horum octo iam descriptos, in duplici glandularum sublingualium humanarum genere, huic infervire fini, et praecipuos esse commodosque, tum declaravi, cum eorum a me detectorum rationes protuli. Iam ubi de fontibus, qui linguam irrigant, mihi porro sermo faciendus est, alii minoris notae riuuli, ac potius pori, qui e glandulis, buccalibus, aliisque similibus, et imprimis iis, quae prope gingivas consitae sunt, et in ore dispersae, proferendi mihi essent, quod hi, cum laticem in ore reddunt, linguam quoque ita afficiant. Sed his commode supersedeo, quod a *Stenone* aliisque satis expositi iam fuerint, et iidem e supra dictis pariter constent, et quod earum cognitionem atque usum ea, quae adhuc sequuntur, ob quandam similitudinem, confirment.

*Alii pori exi-
guique ductus
qui in linguae
superficie
biant.*

Namque restat ut loquar de fontibus, quos lingua ex proprio suo corpore promit, et sibi ipsi suppeditare videtur. Atque horum tubulorum aut pororum, qui in apice linguae totaque anteriori eius parte disseminantur, longe minor est numerus praestantiaque, quam ut cum aliis qui posticam linguae superficiem magis componunt comparari mereantur. Ista enim linguae parte pauciores et dispersi, halitum solum fundunt; hac vero, et plures extant, et in fasciculos congregantur; qui ita collecti ad extimam linguae superficiem assurgunt, et sub papillarum forma multoties protuberant, ubi superius linguae integumentum, quodammodo elatum, hos pororum fasciculos cingit atque munit. Qui ita prominent, aequae

aeque ac alii, et minoribus aggeribus versus extremam linguam conspicui, iure quodam habentur pro collectis tubulis excretoriis plurium, etsi molliorum glandularum exiguarumque. Namque in hac regione madida perpetuo redditur lingua, et, si digitis prematur, humorem saliualem maiori copia fundit, quam versus apicem linguae. Namque hic cum musculares fibrae desinunt, et neruorum colliguntur papillae atque prominent, minus conceditur spatium glanduloso contextui forte permiscendo; sed humoris inopiae potius succurrit, vberimus saliuae e Warthonianis ductibus, meisque lateralibus sub freno, affluxus, quo linguae apex pro perficiendo gustu, haud leui cum commodo, irroratur. Namque vtilissimum pro hoc sensu, naturae institutum est, vt quae fibris cuspidatis, tanquam pilis reclinatis, et ex tunica linguae externa ortis, velantur muniunturque neruorum papillae, ita in apice linguae humore illinantur, ac vt reliquae, quae in vltiori eius tractu extant, madore, qui e glanduloso his interiecto contextu prouenit, molliantur, vt pro sentiendis particulis sapidis praesto sit ipsarum vehiculum, et sensui idoneae feruentur neruorum papillae; Quae, sicut circa linguae apicem e collectis neruorum ramis exiguis, molliores, et sub forma plerumque capitum fungorum, per linguae tunicae externae retisque subiecti, poros prominent ac sensiles habentur, ita his in vltiori linguae tractu deficientibus, conferuntur plures aliae papillae, quae laxae potius et spongiosae sunt, vaporemque fundunt. Quamobrem interioris linguae tunicae posteriorisque compages minus neruosa, sed spongiosa potius ita apparet, vt glandulosi folliculi poris pertusi, mollem tactu flexilemque ac prorsus succulentum linguae ambitum reddant.

Quamuis vero haec linguae tunica, praecipue qua posteriorem sui partem glandulosa vocari possit, et vaporem emittat, qui linguae conducit: attamen huius copia, cum illa, quae eodem tempore, aut e ductibus meis la-

Quanti aestimanda sit haec madoris excretio.

teralibus, aut e Warthonianis excernitur, comparari haud debet. Id sensu in viuis comprobatur, si lingua leuatur, lintheoque sublinguale latus abstergitur et siccatur, tum stillare quae prominent orificia, et restitui humorem comperimus; quae humoris restitutio frustra expectatur, vbi lingua protenditur, eiusque superficies altiori loco siccatur. Id vero animaduersione dignum censeo, quod, quae ita mollis ac spongiosa est, et excretioni vaporis salualis dicatur, interior linguae mediae postremaeque tunica, non solum externum huius ambitum quodammodo irriget, sed simul humiget, quae tegit et proxime sub ea latent, tam vasa et membranas, quam musculos. Namque hae partes, tanquam motuum linguae adminicula, in tanta motuum varietate numeroque ita illinuntur, quo cuncta in debita ad flectendum aptitudine conferuentur.

Sinus in lingua postrema simplici quandoque duplici orificio apertus et tunica radialis linguae fauciumque cellulosa exponitur.

Humori inde, potius descendenti superfluoque exitus sic equidem conceditur, per poros ductusque, quos in lingua papillisue colligi dixi, sed et prouida natura saepe vno, quandoque duplici hiatu orificioque, linguae hunc in finem prospexit. Reperitur tale orificium iam maiori iam minori ab epiglottide interuallo, et quandoque loco, vbi foramen est quod coecum appellant, inuenitur, idemque in lingua Tab. III. Fig. I. duplex exhibeo, quorum alterum in media linguae linea, indicatum seta G, alterum in papilla quae seta F. notatur, apertum inueni. Idem vero sicubi simplex aut duplex reperitur, eructare in viuis putatur superfluum illum humorem, qui ex spongioso glandulosoque linguae ambitu, ad partes subiectas irrorandas defluit. Namque hic reticendum minime est, quod statim sub glandulosa linguae superficie, tela aut membrana cellulosa posticam partem linguae non exiguam radicemque obuelet, et sic producat ad reliquas fauces. Namque haec multiplici tractu fertur, et superinducitur superius epiglottidi, et ad glandulosam compaginem, quae ton-

sillas

fillas a latere complectitur uvulamque in medio sustinet, protenditur, porrigiturque sub ligamenti ossis hyoidis et laryngis, ipsique competit glandulae thyroideae, qua laryngi et asperae arteriae annectitur; deorsum vero et inter musculos eadem quasi propagines demittit, quibus et cum illo inuolucro cohaeret, quod sublingualem glandulam et maxillaris partem inuestit, vt supra annotaui. Qua tela molli flexilique tot partibus interiecta, ac, vt ante retuli, irrorata, tanquam artificio consilioque optimo, linguae, connexorumque motus, egregie iuuantur. Namque haec tunica cellulosa maxime in radice linguae excipit, quam ante dixi humiditatem, et cum sinibus orficiisque, quae modo in linguae radice indicaui, ita conspirat, vt cum flatum per haec immitterem, protinus expandetur integer fere faucium fornix. Proinde aere intumuit linguae radice seu extenuatae portio, Tab. III. Fig. I. D. D. D. et quoque ad epiglottidem tonsillasque flatus transit, ipsaque thyroidea, ob nexum quem ante exposui, agitata fuit. Hinc continuato impetu, et ad sublingualem et ad maxillarem glandulam verti flatum intellexi. Ceram cum olim in huiusmodi sinum iniicerem, cellulae sub lingua repletae, varii-que ac inaequales tractus exhibiti, et ad ante dictas partes nullo ordine, formaque, qua cum veris ductibus excretoriis eorumque ramis conuenirent, versus vtrumque latus porrecti fuere. Hos ergo sinus pro ductibus excretoriis glandulae alicuius et peculiaris, quae fauces hoc loco ambiat, habere non potui. Namque siue aerem siue mercurium siue ceram iniicerem, nunquam ramos pro trunci magnitudine comparatos et in vtroque latere dispersos distinctosue, vt in aliis glandularum ductibus, ipsisque parotidibus et maxillaribus, euenit, obseruare potui. Et subita, quae post aërem tubulo injectum secuta, fuit molis in linguae radice expansio, longe diuersam a glandulosa substantia hanc esse, comprobauit, aëreque sic statim distentam, magis cum vesicarum

36 DE NOVIS DVCTIBVS SVBLINGVALIBVS

vel cellularum congerie comparare licet, quam ipsam habere pro substantia densiore et glandulosa, quae tardius minusue intumescere solet, vbi per ductum excretorium aer infertur. Sed aliter quoque, quae de tegmine linguali postico et celluloso tradidi, confirmaui. Namque vt haec amplius explorarem, in pluribus linguis, vbi hiatus ante dicti, in linguae superficie defuerunt, cultro incidi, tubulumque applicui, et postea aërem immisi, tum omnem illam telam similem in modum intumescere et partes ante notatas inflari, ac si per sinus id instituissem, obseruaui, auditoribusque meis demonstraui. Incidi vero linguae radicem locis incertis, iam in eius medio, iam a latere, iam quoque circa finem, idemque semper obtinuit.

Orificia excretioni dicata in imis faucibus.

Huic telae cellulosae superinducitur, quae anterieus papillis nerueis referta, hic vero et in radice magis glandulosa est linguae tunica, quae pariter superius versus tonsillas uvulamque, ac versus epiglottidem et alia loca porrigitur, et quoque cohaeret cum illo, quod a capite in imis faucibus pendet, glanduloso velo. Transuersum hoc velum obtinet situm, pendulamque in medio uvulam gerit, huiusue musculos complectitur. Idem aequae ac epiglottis in sua superficie foramina permulta, nullo ordine numeroque certo exhibet, quae dicari excretioni laticis, cum ista simili, quam exposui, vbi de papillis in lingua mentionem feci, iudicatur. Neque vero alio modo excernunt glandulae arytaenoideae, quas circa epiglottidis radicem sub ligamentis, foraminulis excretoriis pariter pertusis, *Cl. Morgagnus* detexit; tonsillae quae paulo altius locantur, suum humorem ita fundunt. Namque in harum quoque lacunis nil nisi pororum excretoriorum conspiciantur congeries.

Oecafione huius tunicae peculiaris de ductu vno alteroque in la-

Tam late igitur sicut exposui, panditur, et tunica linguae posterior glandulosa, et quae subiicitur cellulosa. Haec dum laryngem asperaeque arteriae partem cum glandula thyroidea suo interuentu vnit, aërem, vbi per illos sinus atque


atque hiatus in linguarum summitate saepe conspicuos, in-
 iectus fuit, eo perducit. Ita vero falli aliquis facile potest, si ^{in larynge reperi-}
 inde statim iudicauerit ductum quendam excretorium huc ^{profertur ob-}
 e thyroidea ferri; Sicut alii expansione flatu facta inducti,
 plures ab eiusmodi sinu, tanquam a centro porrigi ductus ex-
 cretorios tantosque existimarunt, qui glandulis sublingualibus,
 et fere omni linguae fauciumque loco conueniant. Hic minus
 attentorum error commode comparari potest cum eo, ubi
 inter exquirendum foramina, quae conspicua sunt in larynge
 et aspera arteria, thyroidea glandula contactis, seta paulo ri-
 gidiore aliquis utitur: tum enim pertundendo laryngem ad
 usque tunicae cellulosae productionem, postea vero adigendo
 flatum facile is decipitur, si ob glandulam flatu quodammodo
 agitatum, ita detexisse se ductum huius excretorium diu de-
 sideratum, sibi persuadet. De quo cum nuper admodum
 sollicitus essem, non quidem setae, sed flatus impetu in por-
 tione laryngis ac asperae arteriae, cum thyroidea glandu-
 la adhuc connexae, detexi ductus, quos Tab. III. Fig. 2. de-
 lineauit. Ostia erant C et D et serpentino ductu flatus pro-
 mouebatur per ductum vnum aequae ac alterum, et com-
 plures rami, sicut iconae expressi fuerunt, conspiciebantur, qui
 aerem profundius ducebant. Sed teneritate vasorum lym-
 phaticorum conspicui hi erant, et omnino ad thyroideam
 glandulam ferebantur, sicuti, cum glandulam incide-
 rem, obseruaui. Sed clara luce, ac in macerata quo-
 dammodo glandula, haec ita obseruare potui. Quos du-
 ctus etsi solos, praecipiti nimis consilio, pro excretoriis va-
 sis huius glandulae non venditem, tamen hac obseruatio-
 ne mihi aliisque auctor sum, ut tales pluresque peruesti-
 gentur, qui excretioni in hac glandula celebratae, ad hoc
 usque tempus dubiae visae, praesse putentur.

*Doctrinae
propositae et
factarum ob-
servationum
finis atque
usus.*

Iam quidem tradidi quae sedulo factae obseruationes mihi suppeditauerunt. Quod institutum suscepi, vt excretionem glandulae sublingualis, dubiam adhuc vexatamque, luculentius exponerem, quod ita perfeci, vt quae apud alios Anatomicos deficiunt, commode suppleri, quae vero superflua produnt, tuto negligi possint. Ad horum numerum pertinent, quae de ingenti ductu saliali communi et nouo eiusque ramis, ad maxillares et sublinguales glandulas, et fere reliqua linguae fauciumque loca inde porrectis, nuperri- me quidam Anatomicus protulit. In quem ductum lingua quam Tab. II. icone exhibui, non ea inquisui fide, ac si ab indole ductuum excretoriorum, qui e glandulis conglomeratis pro- venire solent, non alienum ac superfluum reputarem, quod rami sicut ab isto icone expressi fuerunt, sublin- gualium et maxillarium superficies more insolito perreptant, et cursum salivae, quae continuo eructari debet, minus ido- neum inferunt; quod vt aliis demonstrarem, quae siui venam lingualem H, quae ramum h ad linguae radicem ab- legat, et maxillari in O resectae jugularique venae interpo- nitur. Haec namque, etsi ob valvulas, quae obstant, minus commode per orificium inferius H inflari potest; tamen cum per id, quod apud O constituitur, aut locum vicinum in- cisumque aer iniicitur, tum haec vena lingualis ramique eo mo- do eoque ordine intumescunt, vt truncum atque ramos, quos ille icone delineauit, in glandulis reclinatis cum trun- co ramisque solius venae H conuenire, iudicare debeam. Sed quae in ore detexi orificia ductusque, qui saliuam fa- tis largiter eo deriuant, et cuncta, quae his paginis com- prehendere volui, artis medicae peritos moneant, vt sub- lingualium glandularum vsum melius quam haecenus fa- ctum fuit, explorent et simul aestiment. Tum vero ma- xime, quam supra proposui, doctrina, Medicis, praecipue vero Chirurgis utilis erit proficuaque, cum morbi occur- runt,

runt, qui sublinguales glandulas, et partes quae adiacent ipsis et in ore continentur, infestant. Namque, quae dixi orificia in commodo linguae situ, modoque quem supra notavi discernere et inuenire artis peritus facile poterit, riuorumque saliuallium, quos supra crui, tractus ita diiudicare, ut quantum in ipso est sibi caueat, ne instrumentis laedat aut penitus destruat et ipsorum ingressus et qui subiiciuntur ductus. Haec qui attenderit, is quae modo dixi loca viasque, in scirrhis, vlceribus, pluribusque morbis, quibus hae glandulae partesque connexae frequenter laborare solent, pro viribus nec leui cum aegrotantium emolumento pariter defendere ac tueri allaborabit.





FIGVRARVM EXPOSITIO.

TAB. I. Fig. I.

Linguam a latere visam cum sublinguali glandula reclinata repraesentat.

A. Seta porcina, ductui Whartoniano inserta.

a. Integumentum oris sublinguale retractum.

B. Seta nouo inhaerens ductui sublinguali anteriori et Mercurio dissentio.

b. B. Portio huius ductus, qua is liber a nexu cum Warthoniano primum apparuit.

C. Glandula sublingualis reclinata.

D. Glandula Maxillaris.

E. Ductus Warthonianus.

Fig. 2. Portionem sistit linguae, glandula primi generis seu tenuiore instructae, cum octo nouis in utroque latere ductibus excretoriis, qui setis indicantur.

AA. Ductus Warthoniani.

BB. Ductus noui anteriores glandulae sublingualis excretorii.

C. C. Secundi. D. D. Tertii. E. E. Quarti.

F. F. Corpus glandulae, sui parte sub integumento oris conditum, quod in viuis versus maxillam protenditur.

G. G. Locus ubi in utroque latere idem corpus in lobum desinit.

H. Musculi genioglossi.

I. Integumentum oris sublinguale.

TAB. II.

Linguam, cum octo nouis lateralibus ductibus, in alterius generis glandulis sublingualibus maioribus latioribusque, setis notatis, exhibet.

A. A. Setae in ductus Warthonianos immissae.

B. B. Primi et anteriores nouorum lateralium ductuum sublingualis glandulae excretoriorum.

C. C. Secundi. D. D. Tertii. E. E. Quarti.

e. e. e. e. Obliqui exigui, postremorum rami, rarius obseruati.

F. F. Glandula sublingualis lobum versus extenuata.

g. g. Lobus maxillaris glandulae.

G. G.

- G. G. Corpus maxillaris glandulae.
 H. Vena lingualis trunco maxillaris venae et iugularis externae interposita, ramum ablegans,
 h. versus radicem linguae, et porro prospiciens maxillari glandulae, et ramos tribuens sublinguali glandulae.
 I. Nervus a pari quinto deductus.
 K. Arteria lingualis cera repleta.
 L. Musculus Mylohyoideus super laryngem et connexas partes reflexus.
 M. Musculus geniohyoideus reflexus.
 N. Ceratoglossus. O. Genioglossus.
 P. Nervus paris noni.

TAB. III. Fig. 1.

- Sinum alias simplicem, hic duplicem circa linguam postremam apertum refert.
 A. Caro glandulosa, hic una cum vula pone epiglottidem coacta et reflexa.
 B. Tunica huius anterior, in qua conspicua sunt foramina excretoria.
 C. Epiglottis. D. D. radix linguae inflata; aereque tumidis elatisque papillis conspicua.
 E. Ligamentum linguae laterale quod glossostaphylinum complectitur musculum.
 F. Sinus suae hiatus foramine patens sub papilla, et seta notatus, qui spectat ad tunicam cellulosa sub glandulosa linguae superficie locatam, quae sicut in D. D. aere distendi solet, si per tubulum immittatur.
 G. Alius sinus, qui in media fere linguae linea frequenter hiare observatur.
 H. Foramen Cæcum.

Fig. 2.

- A. Glandula thyroidea.
 B. Annuli cartilaginei asperae arteriae apertae.
 C. et D. Ductuum tenerrimorum oscula, in quae, ubi flatus injectus fuit, rami icone expressi, apparuerunt.
 E. Portio cartilaginis thyroideae adhuc connexa.

Fig. 1.







Fig. 2.










Fig. 1.

Tab. III




Fig. 2.

